



**R.P. Petri Leurenii Societatis Jesu, SS. Theologiæ  
Doctoris, & SS. Canonum Professoris Vicarius Episcopalis,  
Sive Tractatus Quaternarius Per Quæstiones & Responsa  
Canonica Deductus**

**Leuren, Peter**

**Coloniae Agrippinae, 1708**

293. An, & qualiter exspiret per excommunicationem; suspensionem vel  
interdictum Episcopi.

---

[urn:nbn:de:hbz:466:1-74203](https://nbn-resolving.de/urn:nbn:de:hbz:466:1-74203)

**Questio 293.** An & qualiter Vicarius exspiret per excommunicationem, suspensio-  
nem, vel interdictum Episcopi?

**R**Esp. Primo: quemadmodum per excom-  
municationem (intellige, etiam, dum no-  
minacim denuntiatus est, adeoque vitandus; dum  
enim taliter nominatum denuntiatus non est, re-  
tinet jurisdictionem, ejusque exercitium juxta  
Extravag. Martini. v. ad extirpanda. M. suspensionem  
& interdictum, non extinguitur jurisdictione Episco-  
pi, sed apud eum manet habitualiter, ita etiam per  
dictas censuras ab Episcopo incurisas non extin-  
guntur jurisdictione Vicarii. Pax-Jordan. loc. cit.  
num. 269.

2. Ob excommunicationem tamen incursum ab  
Episcopo, ut suspenditur jurisdictione Episcopi  
quoad exercitium, ita quoque impeditur jurisdi-  
ctio Vicarii quoad exercitium, etiam quoad ne-  
gotia jam capta. Pax-Jordan. loc. cit. Pirh. loc. cit.  
nu. 69. Azor. part. 2. lib. 3. cap. 6. qu. 13. Sanch. cit.  
d. 30. nu. 5. & 6. Barbol. alleg. 34. nu. 146. Sbroz.  
lib. 3. qu. 17. nu. 1. citans Cuchum inst. Inr. Canon.  
cit. de Vicar. Episc. nu. 134. Paris. conf. 89. nu. 6. Selv.  
de benef. part. 2. qu. 14. nu. 6. & alios quamplurimos.  
Idem est, dum Episcopus est interdictus aut su-  
spensus nominatum denuntiatus. Azor. Pirh. Pax-  
Jord. locis cit. Sanch. loc. cit. nu. 7. & 8. Sbroz. loc.  
cit. nu. 4. citato Parisio ubi ante, nu. 10. Bertach.  
de Episc. lib. 4. part. 5. num. 69. &c. est enim unum  
idemque tribunal & jurisdictione, & ut Bald. in cap.  
litter. de offic. deleg. nu. 9. excommunicatio inficit  
auditorum Episcopi. Quod si vero Vicarius ex-  
communicato Episcopo exercere vellet jurisdi-  
ctionem, potest & is excommunicari. Pax Jord.  
num. 271. citans Archid. in cap. 1. de off. Vicar. in 6.  
num. 2. Surdum conf. 50. num. i. vol. 1. Procedit tamen  
responso, si Vicarius est creatus ab Episco-  
po, secus si ab alio, puta Papa. Sbroz. loc. cit. nu. 5.  
citato cap. 1. de off. Vicar. in 6. ubi: si jurisdictionem  
tantum recipiat ab eodem, & ibi Doctores & Fe-  
lin. in cap. insinuantur, de offic. deleg. nu. 1. Sic etiam,  
ubi causa aliqua delegata est Vicario (intellige  
etiam sub nomine officii Vicarius, seu tanquam  
Vicario) ab alio, non suspenditur jurisdictione Vi-  
carii per excommunicationem Episcopi, quo min-  
us de causa illa delegata cognoscere possit, re-  
non amplius integrative causa jam causâ & ex  
una enim parte manet adhuc Vicarius habitualiter,  
ex altera parte jurisdictione, qua cognoscit  
de illa causa, est delegata, adeoque diversa à juris-  
dictione Episcopi, nec ab illo, sed à delegante de-  
rivata, ac proinde non suspenditur per excom-  
municationem Episcopi. Pirh. loc. cit. num. 72. ci-  
tato Sanch. aliante, num. 9. Porro qualiter excom-  
municato aut suspensus ipso Vicario suspendatur

aut exspiret substitutorum & delegatorum ab eo  
jurisdictione seu commissio, dictum est supra.

**Questio 294.** An Vicarius generalis Epi-  
scopi exspiret per promotionem Vicarii ad  
Episcopatum alium?

**R**Esp. Non exspirat, sed poterit Vicarius, qui  
durante hoc officio suo creatus & consecra-  
tus est Episcopus, creatione hac & consecratione  
non obstantibus, retinere manus Vicarii genera-  
lis, interea, dum se preparat & expectat oppor-  
tunam commoditatem conferendi se ad suam ec-  
clesiam. Nullo enim jure prohibetur, quod minus  
Episcopus possit esse Vicarius alterius Episcopi &  
quoniam permisum id videtur per cap. plerique. de  
officio. Ordinar. ubi gl. v. necessitas. Pignat. tom. 3.  
conf. 22. num. 1. citans Azor. part. 2. lib. 3. cap. 45.  
qu. 9. Anchiar. in cap. fin. de off. Vicar. in 6.

**Questio 295.** Quae sunt portissime cause aufe-  
rendi à Vicario Vicariatum?

**R**espondet Pignatelli tom. 9. conf. 162. num. 4.  
Si constiterit de mala Justitia administratio-  
ne, de abuso censorum, de extorta pecu-  
nia, ut idcirco de alis dici possit, quod de  
Vicariis quibusdam, qui plus, quam debent,  
accipiunt in collatione beneficiorum, inquit  
Rebuff. pr. benef. tit. quod modis benefic. acquir.  
numer. 13. quod sint simoniaci, & simoniacos  
faciunt suos Episcopos, ita ut seipso & suos  
damnent. Item quod Petrus Blesensis Episc. 25.  
scribit: Tota Officialis intentio est, ut Episcopi sui  
jurisdictioni commissas miserrimas oves quasi vice illius  
condeat, emungat, excoriat. Ipsi enim sunt Episcopi san-  
guisuga, evomentes alienum sanguinem, quem biberunt;  
quia testimonio Scriptura divitias, quas congregavit  
impius, evomet, & de fangibus illius extrahet illas Deus,  
&c. Quia si in judicibus secularibus sunt graviter  
panienda, l. iudices. c. de dignitat. ubi Luc. de Penn.  
nu. 1. & 17. ait, in specie eos privandos esse digni-  
tate & honore. Et comprobatur ibidem And. de Ba-  
ru, multo magis puniri debent in Judicibus ec-  
clesiasticis, & portissimum in Vicariis Episcoporum,  
quocum mores debent esse inculpabiles, ma-  
xime vero ab extorquentia pecunia, ut probant  
relati a Sbroz. l. 1. qu. 33. Unde iterum dico, quod  
hujusmodi Vicarii non sunt constituendi, & con-  
stituti removendi sunt, dum alioquin prospic-  
ci non possit subditorum indemnitat.

Ita ferè Pignat.

\* \*

